

**BOSNA I HERCEGOVINA  
FEDERACIJA BOSNE I HERCEGOVINE  
TUZLANSKI KANTON  
OPĆINA SREBRENİK  
- Općinski načelnik-**

Broj: 07-3531/17

Datum, 25. 10. 2017. godine

Općinski načelnik na osnovu člana 70. stav (1) i (3) Zakona o javnim nabavkama ("Službeni glasnik BiH", broj: 39/14), Odluke o izvršenju budžeta općine Srebrenik, („Sužbeni glasnik općine Srebrenik“, broj: 7/16), čl. 38. i 118. Statuta općine Srebrenik („Službeni glasnik općine Srebrenik“, broj: 1/08) na preporuku Komisije za javnu nabavku broj: 07-3531/17 od 25.10.2017. godine, u postupku javne nabavke: Izrada Zoning plana privredne zone “Tinja Gornja”, je d o n i o:

**O D L U K U  
O IZBORU NAJPOVOLJNIJEG PONUĐAČA**

**I**

Prihvata se preporuka Komisije za javnu nabavku, broj: 07-3531/17 od 25.10.2017. godine i Ugovor za javnu nabavku: **Izrada Zoning plana privredne zone “Tinja Gornja”**, dodjeljuje se ponuđaču **INSTITUT ZA GRAĐEVINARSTVO “IG” Banja Luka**, ponuda broj: 4227/17 od 23.10.2017. godine, za ponuđenu cijenu od **11.466,00 KM sa PDV-om** kao prihvatljivu.

**II**

Ponuđač je dužan u roku od **5 dana** od dana prijema ove odluke, dostaviti dokaze po članu 45. stav (2) Zakona o javnim nabavkama BiH.

**III**

Ova odluka objavit će se na web-stranici [www.srebrenik.ba](http://www.srebrenik.ba) istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

**O B R A Z L O Ž E N J E**

Postupak javne nabavke pokrenut je Odlukom o pokretanju postupka javne nabavke broj: 07-3531/17 od 12.10.2017. godine.

Javna nabavka je sprovedena Konkurentskim zahtjevom za dostavu ponuda broj: 07-3531/17 od 12.10.2017. godine.

Procijenjena vrijednost javne nabavke bez PDV-a je 17.094,02 KM.

Obavještenje o nabavci broj: 761-7-2-101-3-68/17 poslato je na objavljivanje dana 13.10.2017. godine, a objavljeno je na Portalu javnih nabavki dana 13.10.2017. godine.

Komisija za javnu nabavku imenovana je Rješenjem broj: 07-3531/17 od 13.10.2017. godine.

Ponude po Konkurentskom zahtjevu za predmetnu nabavku su dostavili slijedeći ponuđači:

1. **IPSA INSTITUT DOO Sarajevo**, u ukupnom iznosu od **12.350,00 KM** bez PDV-a,
2. **INSTITUT ZA GRAĐEVINARSTVO “IG” Banja Luka**, u ukupnom iznosu od **9.800,00 KM** bez PDV-a,
3. **ROUTING DOO Banja Luka**, u ukupnom iznosu od **10.400,00 KM** bez PDV-a,
4. **URBIS CENTAR DOO Banja Luka**, u ukupnom iznosu od **9.850,00 KM** bez PDV-a, i
5. **JU INSTITUT ZA URBANIZAM, GRAĐEVINARSTVO I EKOLOGIJU RS**, u ukupnom iznosu od **13.500,00 KM** bez PDV-a

U prvom dijelu rada Komisije, konstatovano je da je, blagovremeno, pristiglo pet pravilno zatvorenih ponuda. Nakon toga, Komisija je isčitala ponuđene cijene i završila prvi dio svoga rada.

U drugom dijelu rada, Komisija je pristupila detaljnom pregledanju dostavljenih ponuda, u cilju utvrđivanja da li su dostavljeni svi traženi dokazi i da li isti ispunjavaju kvalifikacione uslove.

Pregledanjem ponude ponuđača **IPSA INSTITUT DOO Sarajevo**, Komisija je konstatovala da ista nije potpuna iz razloga što Ponuđač u ponudi nije dostavio uvjerenje o odgovarajućem položenom stručnom ispitu za dva diplomirana inženjera – diplomirani inženjer elektrotehnike odsjek za elektroenergetiku (strana 34 ponude), i diplomirani inženjer građevinarstva (strana 35 ponude).

Ponuđač je u ponudi dostavio diplomu (strana 33 ponude) za jednog Magistra arhitekture-Diplomirani inženjer arhitekture i za drugog diplomiranog inženjera građevinarstva diplomu (strana 36 ponude) i uvjerenje o naučnom stepenu magistra tehničkih nauka iz oblasti građevinarstva (strana 37 ponude), ali nije dostavio dokaz da su magistri nauka oslobođeni polaganja stručnog ispita.

Ugovorni organ je u predmetnom Konkurentskom zahtjevu, u tački 6. alineja tri istog, propisao da je ponuđač za diplomirane inženjere dužan dostaviti "*... i uvjerenje o odgovarajućem položenom stručnom ispitu, a koje izdaju nadležni organi u BiH ili zemlji porijekla iz koje taj ponuđač dolazi*".

Kako ponuđač nije dostavio dokaz o položenom stručnom ispitu ili dokaz za magistre nauka da su oslobođeni polaganja stručnog ispita, odbacuje se ponuda ponuđača **IPSA INSTITUT DOO Sarajevo** kao neprihvatljiva.

Pregledanjem ponuda ponuđača **INSTITUT ZA GRAĐEVINARSTVO "IG" Banja Luka, ROUTING DOO Banja Luka, URBIS CENTAR DOO Banja Luka i JU INSTITUT ZA URBANIZAM, GRAĐEVINARSTVO I EKOLOGIJU RS** Komisija je konstatovala da su iste potpune tj, da su dostavljeni svi dokazi i da svi zadovoljavaju zahtijevane kvalifikacione uslove, te su iste prihvatljive za dalje razmatranje.

Ponuđač **INSTITUT ZA GRAĐEVINARSTVO "IG" Banja Luka** je dostavio u ponudi Rješenje Federalnog ministarstva prostornog uređenja.

U postupku donošenja ove odluke, posebno su cijenjene činjenice da je Komisija, pravilno i potpuno, izvršila ocjenu kvalifikovanosti ponuđača te ocjenu prispjelih ponuda, u skladu sa kriterijima iz konkurentskog zahtjeva.

U postupku ocjene provedenog postupka, ugovorni organ nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javnu nabavku.

Naime, u postupku je ocijenjeno da je Komisija u svemu pravilno postupila te da je izbor ponuđača izvršen u skladu sa Zakonom o javnim nabavkama, podzakonskim aktima, internim aktima i konkurentskim zahtjevom.

Iz navedenih razloga, primjenom člana 64. stav 1. tačka b) Zakona o javnim nabavkama, te članova 38. i 118. Statuta općine Srebrenik („Službeni glasnik općine Srebrenik“, broj: 1/08), odlučeno je kao u tački I. ove odluke.

#### **POUKA O PRAVNOM LIJEKU:**


Protiv ove odluke može se izjaviti žalba u roku od 5 (pet) dana od dana prijema odluke o izboru ponuđača.

Žalba se izjavljuje ugovornom organu u pisanoj formi direktno, ili preporučenom poštanskom pošiljkom.

Žalba se podnosi u najmanje tri primjerka.

Dostavljeno:

1. Ponuđačima 5x,
2. Evidenciji,
3. Arhivi.



**OPĆINSKI NAČELNIK**

**Dr. sc. Nihad Omerović**